

11-ქს
1915

11
1915
№ 20.

შინაური საქმეები.

სოციალ-კვირული გაზეთი.

შანი მური შაური
წლიური ფასი 5 მან.
წლის დამლევამდე
1 მ. 70 კ.
წელიწადი მეშვიდე.

კვირა 15 ნოემბერი, 1915 წ.

როდის მოხდება იმერეთის სამღვდლოების
დეპუტატთა წლიური (?) კრება?

როდის მოხდება კრება? აი პირველი
საკითხი, როცა ორი მღვდელი ერთიმეორეს
შეხვდება. და მკითხველმაც, და მო-
პასუხებმაც ორივემ იცის თუ რა კრებაზეა
ლაპარაკი. დღეს მაინც, როცა დამატე-
ბითი უჯამაგირები გამოვიდა სამღვდე-
ლოებისათვის, ამ საკითხმა უჯამაგიროთ
დარჩენილი მღვდლების მთელი არ-
სება მოიცვა. არც გასაკვირვალია დღე-
ვანდელ პირობებში, როცა მოსავლის
ნაკლებობის და სხვა ბევრ მიზეზების
გამო მღვდლის შემოსავალმა პროპორ-
ციულად იკლო, ხოლო გასავალი
ერთი ათად გაიზარდა. ჯერ ისედაც რა
იყო მღვდლის ავლ-დიდება და წელს
მისმა საკუთარმა, ხელით ნამუშევარმა
ყანა-მამულმაც ხომ უღალატა. ამიტომ
დასაძრახისი არ არის უჯამაგირო მღვ-
დლების ასეთი აპილბილება კრების
მოლოდინში.

მაგრამ სამღვდლოებს სხვა საკით-
ხებიც ბევრი აქვს გადასაწყვეტი. იმ
საკითხებს, რომელნიც ყოველთვის
მის ყურადღებას იპყრობდა — სასწავლებ-
ლები, სანთლის წარმოება და სხ. —
წელს კიდევ სამარხი კასის აბუწული

საქმეების საკითხი დაერთო, რომელიც
სწრაფლ განხილვას მოითხოვს. გარდა
ამისა, იმასაც ნუ დავივიწყებთ, რომ
დღეს ისეთი მომენტიცაა, როცა სამღვდე-
ლოების ხმა ჩვენი ეკლესიის ამა თუ იმ
საჭირობოროტო საკითხებზე დიდათ საჭი-
როა და ხმის ამოუღებლობა კი სირცხვი-
ლი და სიკვდილი. დღეს, როცა მთე-
ლი ქვეყნიერების წესწყობილების სა-
ფუძველნი ირყევიან, როცა ისეთი
გულშემტკივარი მამა და მოღვაწე სა-
ქართველოს ეკლესიისა, როგორც არის
ექსარხოსი პიტირიმი, რუსეთის ეკლე-
სიის უმთავრეს სასულიერო სამმართვე-
ლოში მოექცა, დღეს ფრიად დიდი მნი-
შვნელობა ექნება სამღვდლოების ხმას.
სამღვდლოებამ რამდენიმე კერძო მო-
ხსენება უნდა შეიმუშაოს და საჩქაროდ
მიაწოდოს მის მეუფებას, რომ მის მოხ-
სენებას უწ. სინოდში ზედმეტი საბუ-
თი მისიკეს და ზურგი გაუმაგროს. უნდა
გვახსოვდეს, რომ მის მეუფების მოხსენე-
ბას სინოდში იმდენად მეტი ფასი დაე-
დება, იმდენად მეტ ყურადღებას დაიმ-
სახურებს, რამდენადაც ეს მოხსენება
გამოწვეული იქნება ადგილობრივი
სამღვდლოების მოთხოვნილებებისაგან.



ასეთი მოხსენებების შემუშავება კერძო საბლალოჩინოების საქმეა, რაშიდაც, დარწმუნებული ვართ პირველ მაგალითს ქუთაისის და თბილისის საბლალოჩინო კრებები და ბლალოჩინები მისცემენ დანარჩენებს. ჩვენი ეპისკოპოსები ვალდებული არიან თხიზლად მოეკიდონ ამ მომენტს, შეადგინონ კომისიები და მიანდონ სხვადასხვა საკითხების შემუშავება და გაშუქება მომავალი კრების წარსადგენად, რომელიც თავის მხრით კიდევ დაიმუშავებს მათ და წარუდგინეს მის მეუფებას საქართველოს ექსარხოსს სინოდში მოსახსენებლად. ჩვენი მხრით ჩვენი ეკლესიის უმთავრესი საქირბოროტო საკითხები საკმაოთ განვმარტეთ შინაურ საქმეების წინა ნომრებში, გარდა ავტოკეფალობისა, რაც უკვე განმარტებულია და თავის სვებედს ელის.

ქართული პრესა ჩვენ სამკლესიო საქმეებზე.

ექსარხოსის გამგზავრებამ პეტროგრადს სინოდის საზამთრო სესიებზე დასასწრებლად ხმა ამოაღებინა ჩვენ საერო წოდებას. გაზეთ „საქართველოს“ სურვილი უკვე გავაცანით ჩვენ მკითხველებს „შინ. საქ.“ № 19. ეხლა გაზ. „სახ. თურქლის“ აზრი გვინდა გავაცნოთ. ამ გაზეთმა თავის № 425-ში ორი წერილი უძღვნა ჩვენ საეკლესიო საქმეებს. მოგეყავს ორივე უცვლელად, რადგან ჩვენი სურვილია სამღვდლოებამ დაახლოვებით იცოდეს ჩვენი საერო წოდების აზრი ჩვენ საეკლესიო საქმეებზე. როგორც უნდა იყოს ეს აზრი ჩვენი მხრით სიაზოვნებით ვეგებებით მას, რადგან საერო პრესის გამოსვლა იმის მომასწავებელია, რომ საერო წოდებამ დაბგმო თავის უსლაგო ღუმილი საეკლესიო საქმეებზე, შეიგნო, რომ ეკლესია არც ისე აბუჩად ასაგდებია, არც ისეთი უმნიშვნელო რამ არის ჩვენი ცხოვრებისათვის, რომ ყურადღებნს ღირსი არ იყოს. აი ეს წერილები:

**I
სამკლესიო საქმეები და ეგზარხოსი პიტირიმი.**

დღეს ეგზარხოსი პიტირიმი ტფილისიდან მიემგზავრება. უკვე დადის ხმები ადგილად შესაძლებელია ყოვლად უსამღვდლოსი პიტირიმი უკან აღარ დაბრუნდესო. ეგზარხოსმა პიტირიმმა დიდხანს არ დაჰყო საქართველოში, მაგრამ ამ მკირე ხნის განმავლობაშიაც უკვე სამწყსოს თანაგრძობა დაიმსახურა. ქართული ეკლესიის საკითხი, რა თქმა უნდა, ისევ საკითხად დარჩება. ასე იქნება იმ დრომდე, სანამ მისი კანონიური უფლებანი აღდგენილ არ იქნება. მაგრამ ამისდამიუხედავად, მაინც აღსანიშნავია ეგზარხოსის პიტირიმის მოღვაწეობა ჩვენში. აღსანიშნავია იმ მხრით, რომ მას ნათლად ემჩნეოდა სურვილი ღმობიერი მართვა-გამგეობისა. გვაგონდება ერთი შემთხვევა: როდესაც მცხეთაში ეგზარხოსს პიტირიმს მისალმების დროს უთხრეს, თქვენ ქართველ კათოლიკოსთა ადგილი გიჭირავთო, ყოვლად უსამღვდლოესმა პიტირიმმა უპასუხა, ეგ მართალი არ არის, მე მხოლოდ კათოლიკოსთა დაქვრივებულ კათედრას ვსდა რაჯობო. ამ სიტყვებში ნათლად გამოჩნდა, როგორ უცქერის ეგზარხოსი პიტირიმი საქართველოს ეკლესიის საკითხს და რა მიაჩნია საჭიროდ ამ საკითხის საბოლოოდ გადასაწყვეტად.

აღბათ ამ რწმენით ხელმძღვანელობდა ეგზარხოსი პიტირიმი საქართველოს ეკლესიის გამგებლობის დროს. პრაქტიკულად ბევრი არაფერი გაკეთებულა. ისეთს საქმეებსაც კი, რომელთაც წმინდა ადგილობრივი ხასიათი ჰქონდა, წინ მრავალი დამაბრკოლებელი მიზეზი ელობებოდა. „კოლოკოლ“-ში გამოქვეყნებული მიწერ-მოწერა ეგზარხოსსა და სინოდს შუა, ნათლად გვიჩვენებს, სად უნდა ვეძებოთ მთავარი მიზეზი დაბრკოლეისა. მაგრამ, მიუხედავად ამისა, მაინც აღსანიშნავია, რომ ეგზარხოსს პიტირიმს სურვილი ჰქონდა ქართული საეკლესიო საქმეების ახალის წესით მმართვეისა. ასის წლის განმავლობაში ეს ერთი

მავალითია ისეთი, როდესაც სინოდის მიერ დანიშნულმა ეგზარხოსმა ლობიერი პოლიტიკის წარმოება მოიხურვა.

ჩვენ არ ვიზიარებთ იმ აზრს, თითქოს ეგრძო პირობა ამა თუ იმ სულიერ განწყობილებას შეეძლოს ქართულსაეკლესიო საქმეების მოწესრიგება. საეკლესიო ცხოვრებას თავისი დაკანონებული წესები აქვს და, თუ ეს წესები საფუძველზე დარღვეულია, მისი ცხოვრება ნორმალურ კალაპოტში ვერაოდეს ვერ ჩადგება. ამიტომ ქართული საეკლესიო ცხოვრებაც მხოლოდ მაშინ ჩადგება წესიერ კალაპოტში, როდესაც მას თავისი კანონიური უფლებანი დაუბრუნდება. მაგრამ, რანაირი არ უნდა იყოს ჩვენი შეხედულება ამ საკითხზე, მაინც არ შეგვიძლიან არ აღვნიშნოთ, რომ ყოველად უსამღვდელოესმა პიტირიმმა ახალი სიო შეიტანა ქართული ეკლესიის მართვა-გამგეობის საქმეში.

ეგზარხოსის პიტირიმის მოღვაწეობა გვიჩვენებს, რანაირი უნდა იყოს პოლიტიკა. ქართული ეკლესიის მმართველისა იმ შემთხვევაში, თუ მას ვერ შეუძლიან საფუძვლიანად შესცვალოს ივერიის ეკლესიის ბედი, თუ საბოლოოვო გადაწყვეტა ქართული ეკლესიის საკითხისა მისი პირადი ზედგავლენის გარეშე სდგას. საქართველოს ეგზარხოსს, სინოდის მიერ დანიშნულს, თუ ვერ შეუძლიან, კანონიური სიმტკიცე მისცეს ქართულ ეკლესიას, ის მაინც შეუძლია რომ „ქართველ კათოლიკოსთა დაქვრივებულ კათედრას კარგად უდარაჯოს“. ასის წლის განმავლობაში ქართულ ეკლესიას ასეთი „დარაჯი“ არა ჰყოლია.

II

ჩვენი საქალმისო საქმეები

„სამი წლის გამოსავალი გამოიარა სამ დღესაო“, ნათქვამია ზღაპარში. დღეს ისტორიის სრბოლა სწორედ ზღაპრულის სიჭქართ სწარმოებს ქვეყნიერობა რყევა-ნგრევაშია ამ საერთო რყევის დროს ყველა, შეძლების დაგვარად, თვალხილულად უნდა იყოს, ამ უმავალითო ამბების დროს. შეიძლება ვხლა ბევრის მიღებაც და დაკარგვაც, — ეს გარემოებას და ამა თუ იმ ხალხის მომზადებაზედაა დამოკიდებული. ფხიზლად უნდა იყონ სამღვდელოების პირნიც, რომელთაც შერჩენიათ უნარი საზო-

გადგობრივ ინტერესების გაგებისა. არა კმარა მამულიშვილობის გამოხატვა ჩვენებურ გაქსუებულ საზოგადოებაში მარტო იმით, რომ წმინდა ნინოობას, ან ვინმე მოღვაწის დასაფლავებაზე მიმართო ამ საზოგადოებას მაღალ ფარდოვან სიტყვებით. არ კმარა „პატრიოტული“ სიტყვა დაიწყო და გაათავო მიმართვით „ქართველნი ერნო!“ საქიროა, „ქართველნი ერნიც“ დაფიქრდეს ზოგიერთ სასულიერო ვაჟბატონის „პატრიოტულ“ სიტყვისა და არა — პატრიოტულ საქმისა გამო.

ჩვენ ვაღვდებულად ვრაცხო ყველა გავლენიან პირთ ქართველ სამღვდელოებისას აღიმაღლონ ხმა ქართველთა სასულიერო საქმეთა მოსაგვარებლად. მართალია ზოგნი გულწრფელნი სასულიერო მოღვაწენი მოგვაშორეს სიმართლის თქმისათვის, მაგრამ რა გამოსადგენი იქნებიან ისეთნი პირნი, რომელნიც „არც მწვადს დასწვავენ და არც შამფურს?“ ამათთანა პირთა ყოლას, არ ყოლა არ სჯობია? ქვეყანას ეგონოს, პატრონი გყავსო და ნამდვილად უპატრონობა კი სჯობდეს, აბა რა სანატრელია ასეთი მდგომარეობა? „გაჩუმდი, კაცო, არავინ გაგვიგონოს!“ — აი ასეთი პატრონის პსიხოლოგია! ჩინი, მენდალი, აღმატება და სხემ არაფერი. მართლა ჩინ-მედლებით რომ იზომებოდეს ნამდვილი მოღვაწენი-იცოცხლეთ, ჩვენ ისინი ბლომად აღმოგვიჩნდებიან! მაგრამ, ვაი, რომ ჩინ-მედლების რაოდენობა უკულმა პროპორციულია ნამდვილ მოღვაწეობასთან.

მართალია „ზაკავასკაია რეჩი“ მთელი საქართველოს პირით ბუქსა სცემს, ჩვენ დღეს არაფელსა ვთხოვლობთ, ჯერ ომი გავათავოთ და მერე მოვახსენებთ, რაკა გვსურსო; მაგრამ ვინ მისცა ხსენებულ გაზეთის ბრძენ პუბლიცისტებს ნება ამნაირ განცხადების წერისა; განა უთავებოლოდ უნდა ჰროშო კაცმა, რაც ენაზე მოგადგება? განა არ მოეხსენება ამ ვაჟბატონებს, რომ ისტორიამ იცის შვიდწლოვანი, ოცდა ათწლოვანი და ასწლოვანი ომიც? მაშ, ქართველებო, მოითმინეთ, ომი გათავდეს და მერე განაცხადეთ თქვენი სურ-

ვილები. აი ამას ჰქვიან ქვეყნის მებაირატრო-
ბა!

ცხოვრება სულ გამუდმებული ომია. ჩვენც ჩვენ საქიროებას მუდამ ვგრძობთ, მუდამაც უნდა ვამბობდეთ და ვყვიროდეთ ჩვენს უფლებებზე, ომი იქნება თუ შვიდობიანობა.

სათქმელი და გასაკეთებელი კი ბევრია. დღეს სახალხო მინისტრი იგნატიევი პოლონურ უნივერსიტეტის დაარსებაზედაც კი ლაპარაკობს. ძველი შეხედულებანი ეროვნებათა დევნის შესახებ ნელნელა, გარემოების კარნახით, ირღვევა. ცოდვად არ უნდა ჩაგვეთვალოს ჩვენც, ქართველებს, გარკვეულად აღვნიშნოდ უმაღლეს მთავრობის წინაშე ჩვენი ნამდვილი საქიროებანი, და არა ისეთი, როგორც არის ქუთაისის სემენარიის გახსნა. მართალი რომ სთქვას კაცმა, სადავოა ეს საკითხი, სასურველია ქუთაისში სემენარიის გახსნა, თუ არა? რა აჯობებს ჩვენთვის ის, რომ აქ, საქართველოს დედა-ქალაქში, გვექონდეს პარალელ განყოფილებიანი, თუ აქაც დედა-ქალაქში მხოლოდ თითო, ნორმალ კლასიანი სემენარია. ვფიქრობთ, ბევრი ქართველი ამჯობინებს, რომ აქ, ერთ სემენარიაში, იყრიდნენ თავს ახალგაზრდანი მთელ საქართველოდან და ეცნობოდნენ ერთმანეთს, ვიდრე იმ გარემოებას, რომ აქაურ სემენარიას ჩამოეცალნენ იმერნი და ქართლ-კახელნი კი დაჯაბნონ სხვა ელემენტებმა. ამ რიგად იმ „ლევალს“, რომელსაც სწევნ ქუთაისში სემენარიის გასახსნელად, უნებლიეთ ჩრდილი ეფინება, და „რაა იგი სინათლე, რომელსა ახლავს ბნელია?“ ვაი, თუ სხვის ხელში სათამაშო იარაღად ჰხდებიან ისინი, რომელნიც ქუთაისის სემენარიის გახსნისა გამო გარბი-გამორბიან აქეთ-იქით?...

ნამდვილი საქიროებანი, რომელნიც ჩვენც გვაფიქვდება და უფრო კი ჩვენ ბატონებს, ავსაც და, ჩვენდა სამწუხაროდ, „კარგსაც“, უფრო სხვანი არიან.

აი ეს საქიროებანი: საქართველოს სამრევლო სკოლებში ქართულად სწავლება ყველა საგნებისა; მათთვის ქართულ მეთვალყურეთა გამწესება, როგორც სამახროთა, აგრეთვე სა-

ეპარქიოთა; ქართულად სწავლება საგნებისა სასულიერო სასწავლებლებში და სემინარიაში; ქართულად სწავლება გიმნაზიაში საღვთო სჯულისა; ქართულ საეკლესიო წიგნების ბეჭედა ტფილისში და სხვ.

ყველამ იცის, რომ საეკლესიო სკოლებში (აგრეთვე სამინისტროშიაც) საგნებს რუსულად ასწავლიან. ქართული ენა თუმცა პროგრამაში იხსენება, მაგრამ იმის სწავლებას რევიზორი არავითარ ყურადღებას არ აქცევს. განსაკუთრებით სამეგრელოს სკოლებში თითქმის სრულებით არ ასწავლიან ქართულს.

სასულიერო სასწავლებლებში და სემინარიაში ქართულად სწავლების შესახებ სინოდი თანახმა არ იყო დღემდის, მაგრამ ჩვენი ტკივილი საქიროა აღვნიშნოთ. 1907 წელში სინოდი თანახმა იყო, ვითომ სემენარიის მეხუთე და მეექვსე კლასებში სწავლება საღვთისმეტყველო საგნებისა ქართულად წარმოებულყო ქართველთათვის: ეს ნებართვა საეპარქიო კრებასაც კი გადაეცა განსახილველად: აღმოაჩინეთ ადგილობრივად სახსარი ქართულად სწავლების მოსაწესრიგებლად. ამას გახსენება უნდა და დამატება: თუ მართლა გული შეგტკივთ ქართველებისათვის, ფულსაც გეტუბლით ამ საგნისათვის, რადგან ჩვენი ეკლესიის ქონება სინოდმა ხაზინას გადასცა.

1905 წლის 17 აპრილის მანიფესტი რუსეთის ყველა-ეროვნებათ ანიჭებს უფლება საღვთო სჯული შვისწავლონ დედა-ენაზე. ამ უფლებით სარგებლობენ პოლონელები, გერმანელები, სომხები, თათრები და სხვები. გარდა... ქართველებსა. რათაო?—მათაო, რომ თქვენ და ჩვენ ერთნი ვართო... წადი და ედავე ამათანა გულშემატკივართ. გამოდის, რომ ჩვენ, მართმადიდებლებს, არ გვაქვს ის უფლება რაც არა მართმადიდებლებს აქვთ. ჩვენ მეზობელ სომხებს აქვთ თავისი სემენარეები და ორი კი არა, ათიც; აქვთ თავიანთი სასულიერო აკადემია. ჩვენ ქართველებს კი მოგვესპო საშუალებანი განვაფითაროთ ჩვენი დედა-ენა, გავამშვენოთ იგი, რომ გახდეს მკვეთრი და მომზიბელელი, როგორც უწინ იყო. ვანა მეფე ერეკლე წარმოიდგენდა იმას, რომ ქართულ ენას ეს დღე დაიდგებოდა? იმ ენას, რომლი-

თავ წმ. ნანო ქადაგებდა ქრისტეს სჯულს, თამარი ვასცემდა თვის ბრძანებასა და ქეთევანი იტყოდა აღსარებასა?... თან იმასაც გვეუბნებიან თქვენ, ქართველები გულგრილნი ხართ სარწმუნოებაშიო. ქართველი ყმაწვილი ისე გაათავებს სასწავლებელს, რომ დედა-ენაზე არავინ დაასწავლის მას მამაო ჩვენოს. და ვინც დედა-ენაზე გადაეჩვევა ლოცვას, ის გულწრფელად აღარც ერთ ენაზე აღარ ილოცავს. ეს ცნობილია მწარე გამოცდილებით!

თუ როგორ უნდა მოეწყოს საღვთო სჯულის სწავლება გიმნაზიებში და სხვა სასწავლებლებში, ამაზე ისევ ჩვენები და ჩვენი „წინამძღოლნი“, ბერძნულად გვეტყვიან: ეს შეუძლებელია, რადგან სხვადასხვა ეროვნებანი სწავლობენ ერთადაო. ჩვენი სათქმელი კი ის არის, რომ მრავალ საუკუნის განმავლობაში ქართველი კაცი ქართულად სწავლობდა ყველა საგნებს და ეხლაც ასე უნდა იყოს, რადგან ქართველ ხალხს არავისთვის არ მიუცია პირობა დედა-ენაზე სწავლას აღარ ვინდომებო. როგორ და რა სახით მოეწყობა ეს სწავლება, ეს სხვა საკითხია. უნდა მოეწყოს კი! თუ ჩვენთვის ვინმეს გული შესტკევა, უნდა დავაბაროთ სინოდში სათქმელად: დავვიბრუნეთ ჩვენი დედა-ენა სკოლებშიო! გახსენით ქართველებისათვის რუსებისათვის, სომხებისათვის, თათრებისათვის ცალკე გიმნაზიები. მაშინ შეიძლება საღვთო სჯულის კარგად სწავლებაც და სხვა საგნებისაც. აი ჩვენი სათქმელი და დასაბარებელი უმაღლეს სასულიერო მთავრობასთან!

ლოცვა, სწავლა და სამართალი დედა-ენაზე! აი ჩვენი მოთხოვნებიანი, ურომლი-სოდაც ჩვენი ხალხის ნორმული განვითარება შეუძლებელია. ამას უნდა მოვითხოვეთ *urbi et orbi* ამ მოთხოვნებით უნდა შეიფეროს როგორც საეკლესიო, ისე სამოქალაქო გამგეობის ფორმები!

ალავერდის კათედრის აღდგენაც კარგი საქმეა, მაგრამ კათედრის ღირსეულ პატრონს ზემო აღნიშნული სამკალი რომ ექნება წინ გაშლილი, მაშინ მიეცემა აზრი კათედრის აღდგენასაც. *Sapienti sat!*

ხობროიანი.

კვირიდან კვირამდე.

მისი მ. ყ. უსამღვდელოება საქართველოს ექსარხოსი პიტირიმი 7 ამ თვეს პეტროგრადს გაემგზავრა სინოდის საზამთრო სესიაში დასასწავლებლად. ამ შემთხვევის გამო საქართველოს ყველა ეპისკოპოსები თბილისში იყ-

ნენ დაბარებული. ექვი არ გვაქვს ამ კრებაზე წამოყენებული იქნებოდა საქართველოს ეკლესიის ზოგიერთი საჭირბოროტო სადღეისო საკითხები, რომლებსაც მისი მ. ყ. უწინ დაუყენებს სინოდს.

წ ნოემბერს საღაშოს გენერალ ადიუტანტის მ. დ. ჭავჭავაძის ჭერივის სახლში შემდგარ პეტროგრადში შიშავალ ექსარხოსის პიტირიმს საპატივეცემო წვეულება. დასწრებიან ქართულ თავად-აზნაურთა წარმომადგენელი და ინტელიგენცია. აქვე ბრძანებულან ქართველი ეპისკოპოსებიც, წ ნოემბერს მისი შეუფება შეფის მოადგილეს წარუდგა. ამავე დღეს ქართველ ინტელიგენციის თაოსნობით ქვაშეთის ტაძარში გადახდილ იქნა სამ შვილობო პარაკლისი ექსარხოსის მოგზავრობის გამო, ექსარხოსი პეტროგრადში ექვსთვეს დარჩება. ხმა დადის მისი შეუფება თავის მოადგილეთ საქართველოში სტოვებს გურია—სამეგრელოს ეპისკოპოსს ლეონიდს. უკვე ხმა დადის ექსარხოსი უკან არ დაბრუნდებო. ჩვენ კი არ გვინდა დავიჯეროთ. განა კიდევ ვიხილავთ ასეთ გულშემატკივარ მწყემსთავარს...

გაზ. „სამშობლოს“ შეუტყვია, რომ „შემუშავდა პროექტი, რომლის ძალითაც სასულიერო კანსისტორია უქმდება. მის მაგივრად არსდება ორი ეპარქიალური სამმართველო; ერთი მათგანი აღმევისტრატიული, შინაური საქმეების მომწესრიგებელი, მეორე კი სასამართლოს საქმეებისა. წევრები და მდივანი სამართველოისა იქნებიან დანიშნული სინოდისაგან, თავმჯდომარე კი არქიელისაგან“.

გადაიკვალა კიევის მიტროპოლიტი ფლობიანი, ყოფილი საქართველოს ექსარხოსი.

ქუთაისის კლასიკურ გიმნაზიის მოსწავლეთა მშობელთა წრის კომიტეტს განუძრახავს შეუამდგომლობა აღძრას სათანადო მთავრობის წინაშე ნება დართონ, რათა მოსამზადებელ და დაბალკლასებში საღვთო სჯულის სწავლება ქართულ ენაზე სწარმოებდეს.

გამოცხადდა განათლების მინისტრის განკარგულება, რომლითაც კომერციულ სასწავლებლებში კურსს დამთავრებულებს ნება ეძლევათ უნივერსიტეტში შესვლისა, თუ ლათინურ ენაში ეცხამენს ჩააბარებენ გიმნაზიის კლასის პროგრამით.

ნებადართულია სანასწავლებლო სემინარიელთათვის უმაღლეს დასაწყის სასწავლებლის მასწავლებლობაზე შემოკლებული პროგრამით ეკზამენის ჩაბარება.

ქართული პრესა სამღვდლოების ზნეობ. რიგ პიროვნებაზე.

ვახ. „საქართველო“—ში ბ. სვ. ყ—ნი ქართულ სამღვდლოებაზე სწერს: ...ერთი სოფლის კაცი მეორე სოფლის კაცს რომ შეხვდება, პირველი კითხვას მისი: როგორი მოსავალია თქვენში? მეორე კითხვას: როგორი მღვდელი გყავთ?

მომეტებულ შემთხვევაში ამ (უქანასკნელ?) კითხვაზე პასუხი რომ არ მოისმინოთ, სჯობიან. მოგვხსენებთ, რომ ღვდლისა და დიაკვნის სასარგებლოდ გლეხი იხდის ევრედ წოდებულ „დრამას“. არ ვიცი, ეს სიტყვა საიდან წარმოსდგება, ჩემთვის კი რომ გეკითხნათ, ამ გარდასახადს „ტრავედის“ დავარქმევდი, რადგან დრამა ძალიან სუსტი სახელია.

ტომრებითა და ჩანახით მიადგება შემოდგომაზე მღვდელი გლეხის ოჯახს. ჯერ ჩანახზე მოუვათ ჩხუბი,—ეს დილია, ეს პატარაო. შემდეგ კირნახულის ღირსებაზე და შემდეგ დრამის მიტანაზე მღვდლის ბინაზე. ამ ჩხუბის დროს სულიერი მამა და შვილი ისეთი უშვერი პირით იხსენიებენ ერთმანეთს, რომ ყურებში თითს დაიკავთ. ეს ჩხუბი, ეს ერთმანეთის გინება ხანდახან მთელ წელიწადს გასტანს ხოლმე. მღვდელს თუ მთლად არ მისცეს, ჩუმდება და უცდის დროს, როდესაც გლეხს ან მოუკვდება ვინმე, ან მოსანათლი ეყოლება, ან დასაქორწილებელი. აქ ჩხუბი ბაჭილ-მაყალი ახლდება მეტი სიმწარით. გლეხი დაიგინება, გაილანძლება, მაგრამ იძულებულია დამორჩილდეს, რადგან მეტი გზა არა აქვს, მკვდარს დაშარხვა უნდა, ბავშს მონათვლა, ქალს გათხოვება.

მღვდელს რო ჰკითხო, გიპასუხებს: მაშ რა ექნა, ჩემი და ჩემი ცოლ-შვილის ცხოვრების სახსარი ერთად ერთი ეგ დრამა არისო ლ მართალიც არის. სხვა შემოსავალი მას არა აქვს რა, მაგრამ საქმე იმაშია, რომ თუ მღვდელმა დაიმსახურა ხალხში სიყვარული და პატივისცემა, გლეხი არ აკადრებს მას ცუდს სიტყვას, გადიხდის, რაც გადასახადი აქვს, შეიძლება უგულოდ, მაგრამ მაინც გადიხდის.

ხშირად გლეხი თავისი თვლით ჰხედავს მღვდლის სიხარბისა და სხვა გვარი საქციე-

ლის სურათებს, რომელიც დამკირებელი არამც თუ ღვთის მსახურის ღირსებისა, ადამიანისაც კი. სირცხვილია ამის თქმა, მაგრამ მაინც უნდა ვსთქვა, სოფლად შეხვდებით ისეთ მღვდელს, რომელიც გლეხის ქორწილში, ან ქელვში სუფრაზე მიტანილ ცხელ-ცხელ ხორცის ნაჭერს, ისე როგორც არას, ქურდულად ჯიბისკენ გააპარებს და სახლში შიბქვს.

სამღვთოს გადახდისა და მკვდრის მოხსენების დროს ხომ აშკარად, უველას თანდასწრებით, ავსებს ხურჯუნს საუკეთესო ნაჭრებით და გლეხს უტოვებს ერთს მესამედს ხორავისას.

მღვდლის ჯიბე, მღვდლის ხურჯინი, მღვდლის ჩანახი, რომ იტყვის გლეხი, უნდა წარმოიდგინოთ დიდი, ფართო, სამკვიდროდ გაკეთებული რამ ჩასაყრელი.

ხშირად ხედავს გლეხი მთვრალს, ღირსება აყრილს, ტინგიცად ქვეულს მღვდელს უბრალო ღუქანში, გზაზე, სხვაგან.

ერთს სოფელში, ერთს მშვენიერ შობის დღეს ხალხს მოეყარა თავი სალოცავად ეკლესიის გაღვეანში და უცდიდა წირვას. მღვდელი სახლში არ იყო, ხ-ში იყო წასული და უნდა დაბრუნებულიყო. შუაღლე გავიდა, მღვდელი არსადა სჩანდა. ბოლოს იმავე ხ—რიდან ამოვიდა ერთი გლეხი და ეკლესია რომ გამოიარა, იკითხა: რაზედ მოგიყრიათ თავიო. უთხრეს: შობა დღეა, წირვის მოსმენა გვინდა. მღვდელს ველითო. თქვენი მღვდელი ხ—ში ღორზე ზის და ბახარში დააქენებსო!?! რას ამბობ?! როგორ?! რანაირად?!?! თურმე, ნუ იტყვიოთ, ეს დალოცვილი ადამიანი დამთვრალა ღუქანში, გამოსულა ქუჩაში და დაუნახავს უზარმაზარი, ძალზე გასუქებული რუსული ღორი, რომელიც იქვე ნაგავს სჩიქნიდა და ტკბილად ღრუტუნებდა. მთვრალმა მღვდელმა არც აცივა, არც აცხელა, გადააჯდა ღორს და შემოკრტია. ღორი გატენდა ქუჩაში და, რადგანაც მღვდელს ფეხები უზანგოვებში არ ჰქონდა გაყოფილი ლ ხელში არც აღვირი ეჭირა, თავი ვეღარ შეიკავა და შუაგულ ქუჩაში, ტალახში გაიშალა მთელი ბაზრის ხალხის სასაცილოდ...

აღშფოთებულმა ხალხმა ადგილობრივ თავადის დახმარებით დევეშა გაუგზავნა ეგზარხოხს. საქმე გამოიძიეს და მღვდელი სხვაგან გადაიყვანეს.

მე ვიცნობდი ამ მღვდელს. დინჯი, დარბიისელი ადამიანი იყო. ზოგიერთ სხვა კარგს

ლორსებას არ იყო მოკლებული, მაგრამ უბედურება მისი ის იყო, რომ ღვინოს რა დღეცა, მთლად კარგავდა გონებას. მაგრამ საქმე ამაში არ არის. საქმე ისაა, რომ ჩვენი გლეხი არამც თუ მარტო მატერიალ გაჭირვებას განიცდის, მორალ საზრდოსაცაა მოკლებული. მისი კუჭი ვერ ძღება. მისი თვალი კარგს ვერას პხედავს, გონება მისი, სული, გული ირყენება, ხასიათი უფუჭდება, ზნეობრივ პრინციპების გაგებაც კი არა აქვს და ამით აიხსნება ის უკულტურობა, ის უსული მხარე გლეხის ზნეჩვეულებისა, რომელზედაც შემდეგ წერილებში შექნება ლაპარაკი.

ამ წერილში ბევრი მწარე სიმართლეა, რომლის მოწესრიგება მხოლოდ მაშინ დასრულდება, როცა მღვდელი ჩინონიკად გადიქცევა, როცა იგი ხაზინიდან მიიღებს თავის სასყიდელს, როცა მას არაერთარო ნივთიერი დამოკიდებულება არ ექნება მრევლთან. რა სიკეთეს მოიტანს ასეთი მდგომარეობა, ამას მოშავალი გამოაჩენს. დღეს კი შეუძლებელია ისეთ არა სასიამოვნო ინცინდენტებს არ ექნეს ადგილი, რომლებზედაც ლაპარაკობს ბ. სეკნი. მღვდელი დღეს მრევლის მოჯამაგირაა, მას მრევლი აძლევს სასყიდელს და, რა თქმა უნდა, მღვდელიც როგორც, მოჯამაგირე, გაფრთხილებულია, რომ ჯამაგირი ნაღდად და საღი აიღოს მით უმეტეს, რომ ჩვენი ხალხი ძალიან მძიმეა მიუკემაზე რ ყველაფერი მუქათა უნდა. ჩვენ დაახლოვებით არ ვართ გაცნობილი ქართლ-კახეთის სამღვდლოებთან, რომელიც განსაკუთრებით სახეში ჰყავს ავტორს. რაც შეეხება იმერეთის და გურია სამეგრელოს სამღვდლოებს, მათ არც ჩანახი იციან და არც მისგან გამოწვეული ღანძღვა-გინება. განსვენებულმა შორს მკვრეტელმა გაბრიელ ებისკოპოსმა ადრე იგრძნო მღვდლის შრომის ხორავით დაკმაყოფილების მიზან შეუწყობლობა და დროზე შეეცადა ფულზე შეეცავლა იგი. ქართლ-კახეთში კი დარჩა ისევ ძველი ჩვეულება. მიუხედავად ამისა აქაც დიდი დრტვინვა გაისმის დრამა ფულზე, განსაკუთრებით განშათავისუფლებელ მოძრაობის შემდეგ. დღეს მღვდლის შემოსავალზე კამათი პრესაშიაც ვადავიდა და აქაც დიდ უკმაყოფილებას იწვევს ხალხის დაბეგვრა მღვდლის სასარგებლოთ. გამოდის, რომ მღვდელი არაფერ სასყიდელს არ უნდა ღებულობდეს თავის შრომისათვის, რის თქმაც მხოლოდ საქართველოში შეიძლება. ვეჭილს, გინდა

აქიმს რომ გლეხმა ყალბი ფული ან მცირე, სასყიდელი შეიძლოს და მათ არ წილონ, — ეს არაფერი, ეს ასეც უნდა მომხდარიყო; ხოლო თუ მღვდელმა გლეხს დამპალი ხორბალი, ან პატარა ჩანახი დაუწუნა, ეს დიდი დანაშაულობაა. დიდი სასიკვდილე ცოდვია, ცოდვია, რომელიც ადამის ცოდვისათვის თავზე ეხვევა მთელ წოდებას. ამით ჩვენ სრულებით სურვილი არა გვაქვს ვეჭილად დაუდგეთ ზოგიერთ თავის ეჩო მღვდელს და გაეამართლოთ მისი მოქმედება. ჩვენ მხოლოდ იმას მოგახსენებთ, რომ ასეთი ღვდლები არ შეადგენენ უმრავლესობას, არამედ სამწუხარო გამონაკლისს, ისიც ღუხუჩირ ცხოვრების პირობებით გამოწვეულს, როგორც არ შეადგენენ საზოგადო მოვლენას ღორებზე მოსეირნე და ნაქერ ხორცების ქურდი მღვდლები. სადღაც ორი სამი მაგალითი მომხდარა, ნუ თუ იმაში დამნაშავეა მთელი წოდება?

არსად, არაფერ ხალხში სამღვდლოება ისე აბუხად არ არის აგდებული, მისი ნივთიერი ინტერესები ისე არ არის დაფიწყებული და უარ-ყოფილი, როგორც ჩვენ კურთხეულ საქართველოში და მის პრესაში. რაც თავი გვახსოვს ჩვენი პრესა მუდამ მღვდლის მიცემის წინააღმდეგია და ერთი სიტყვიტაც არ წამოსთენია, მღვდელიც კაცია, ისიც შრომობს და საშრომელი ერგებაო. ასეთ პრესაზე აღზრდილი საზოგადოება, რათქმა უნდა, დამპალ ხორბალს და ერთი მუქის ოდენა ჩანახს შესთავაზებს მღვდელს და თან სისტიკინებასაც ააყოლებს, რაც მღვდლის მხრიტაც გამოიწვევს შესაფერ მოქცევას.

მიუხედავად ზემორე თქმულისა კარგად დაუკვირდეს თავს ის ვაებატონი ღვდლები, რომლებიც თავიანთი შეუფერებელი საქციელით ჩირქს ცხებენ მთელ წოდებას. ყოველი მათ მიერ მიღებული ზედმეტი კიქა ღვინო ცოდვით ეწერება მთელ სამღვდლოებს, ყოველი ზედმეტი სიტყვა ჩირქსასცხებს სამღვდლოების ზნეობრივ პაროვნებას, ამიტომაც საჭიროა თვით სამღვდლოება თავის უმრავლესობით შესაფერ ზომებს ღებულობდეს შემარცხვენელ მოძმის გასასწორებლად და თუ არაფერი საშვალეება ვადა, პირდაპირ მოიხბოვდეს ასეთი პირების წოდებიღან განკვეთას, მცნებისაებრ პავლე მოციქულისა, რომელი იტყვის: „მოსპეთ უკეთ-ურნი შორის თქვენისა.

ხელი.

ეკსარხოს პიტირისა და სინოდის უმჯობესად წარმომადგენელთ შორის მიწერ მოწერა.

შარხვახ. რეზ-ს მოჰყავს გახეთ კოლოკოლში მოთავსებული ბ. ნ. ვ. სკვორცოვის შეკრებილი ცნობები მ. მ. ყ. უ. საქართველოს ეკსარხოს პიტირისა და უწ. სინოდს შორის მიწერ მოწერისა შესახებ მისი შეუღებვის მისვლისა პეტროგრადს.

პიტირისაგან იტყვიან, სწერს „შარხ. რ.“-ი, რომ თითქმის საქართველოს ეკსარხოსის ყველა წარდგინებას შესახებ თავის სამწყურისა უარყოფით ეკიდებოდნენ უწ. სინოდში და მსვლელობას არ აძლევდნენ.

თავისთავად ცხადია, ეკსარხოსი ისწრაფოდა პეტროგრადს წასვლას, რომ პირადათ წარედგინა სინოდის წევრთათვის დაწვრილებითი საბუთები აღძრულ საკითხების შესახებ. მიუხედავად ამისა სინოდი სისტემატიურად უარყოფდა მის შეუღებვის ეკსარხოსის კანონიერ სურვილს, რაც ცხადათ სჩანს გახეთ „კოლოკოლ“-ში გამოქვეყნებულ შემდეგი მიწერ-მოწერისაგან:

პეტროგრადი, უწ. სინოდის ობერპროკურორს საბლერს:

„გთხოვთ ნებართვას, მოვიდეთ პეტროგრადს საქართველოს აუცილებელ საქმეების გამო (ასეთივე თითქმის მიტროპ. ვლადიმერის სახელზე). საქართველოს ეკსარხოსი პიტირიში“.

თბილისი, საქართველოს ეკსარხოსის პიტირის:

„უწ. სინოდს სურს გაიგოს მიზეზები თქვენის მობრძანებისა. საბლერი“.

თბილისი საქართველოს ეკსარხოსის პიტირის:

„დღევანდელი დროის არა ჩვეულებრივ გარემოებათა გამო, გვაცნობეთ, რა მიუცილებელმა საქმეებმა გამოიწვია თქვენი ჩამობრძანება პეტროგრადი. მიტროპ. ვლადიმერი“.

ტელეგრამა მეფის მოადგილისა. პეტროგრადი, უწ. სინოდს ობერპროკურორს საბლერს:

„საეკსარხოსოს მიუცილებელი საქმეები, რომელნიც ერთი მხრით დაკავშირებული არიან საომარ ამბებთან, მოითხოვენ ეკსარხოსის გაწვევას პეტროგრადს პირადი მოხსენებისათვის სინოდში. გთხოვთ განკარგულებას“.

თბილისი, მეფის მოადგილეს გრაფ ვორონკოვ-დაშკოვს:

„უწმიდეს სინოდს, საომარ მდგომარეობის გამო, სცნობს რა არა სასურველად ექნებადართულ ია სამხედრო ცენზ.“

სარხოსის გამოსვლას თბილისიდან, ძალიან უჭირს მისი გამოწვევა სანამ იგი წერილობით არ გამოარკვევს გარემოების, რომელიც საქროდ ხდის მისს პეტროგრადში ჩამოსვლას“. პეტროგრადი, სტატს სეკრეტარი საბლერი...
მეორე თხოვნაზე ეკსარხოსმა შემდეგი ტელეგრამა მიიღო:

თბილისი საქართველოს ეკსარხოსის პიტირისაგან:

„ძალიან ვწუხვარ, საომარ დროის მდგომარეობა ხელს უშლის თქვენს ჩამოსვლას. გთხოვთ მონდობით მომწეროთ“. საბლერი.

თბილისი, საქართველოს ეკსარხოსის პიტირის.

დღევანდელი არა ჩვეულებრივი საომარი მდგომარეობა ავალდებულებს თითოეულს დარჩეს თავის ადგილზე, ამიტომ უწ. სინოდი უნებრულად პოებს თქვენს მოსვლას პეტროგრადს. წარდგინება უწმიდესი სინოდისადმი ისეთ საქმეებზე, რომელიც გასამტავნებელი არ არიან, შევიძლიათ წერილობით. გამოგვიგზავნეთ რწმუნებითი წერილები მე და ობერპროკურორს. მიტროპ. ვლადიმერი“.

ეს მიწერ-მოწერა, ბ. სკვორცოვის სიტყვით, მოხდა 31 მაისიდან 27 ივნისამდე ამ წელს და დასრულდა უშედეგოთ ეკსარხოსისთვის, რომელმაც მისალოც ტელეგრამაში სამარანი-სადმი გამოსთქვა მწუხარება და საყვედური ივერიის ეკლესიის საქროებათადმი ცენტრალურ მართებლობის გულციობასა და უმონაწილეობაზე.

ეს დოკუმენტი მოწმობს, თუ რამდენად უძლიურია ჩვენი მღვდელმთავრობა თავის უფლებების დაცვის საქმეში. თუ თვით ეკსარხოსი, დამყარებული თავისი უფლებაზე დაწველ გამაგრებული ძლიერი მოკავშირე სა-მოქალაქო მთავრობით, უძლიური გამოდგა და ვერ მოახერხა შუამდგომლობის განხორციელება, მაშინ რადან უნდა მოვლოდნენ ჩვეულებრივი ეპისკოპოზები, თუ რომ მათ იფიქრეს თავის უფლებებისათვის ბრძოლა?!

მხარე დარწმუნებულია, რომ მართებლობა მხარს დაუჭერს ეკსარხოსს მის განზრახვებში, რომლებიც მიმართულია საქართველოს ეკლესიის სასიკეთოს და ჩვენი საზოგადო სამშობლოს დიდი რუსეთის სასარგებლოდ, დასძენს გახეთი „შარხ. რეზ“-ი.

რედაქტორი ს. შველიძე.

გამომცემელი ი. ლეჟავა.

სტამბა „ძმობა“ ქარვასლის ქ., სახლი ჩარეკოვისა.